

樂府雜錄

欽定四庫全書提要

樂府雜錄一卷唐段安節撰安節臨淄人宰相文昌之

孫太常少卿成式之子溫庭筠之壻也

見南楚新聞

官至朝

議大夫守國子司業唐書附見成式傳末稱其善音律能自度曲故是書述樂府之法甚悉書中稱僖宗幸蜀又序稱洎從離亂禮寺隳頽篴簫旣移警鼓莫辨是成於唐末矣唐書藝文志作一卷與今本合宋史藝文志則作二卷然崇文總目實作一卷不應宋志頓增知二字爲傳寫誤也首列樂部九條次列歌舞俳優三條次列樂器十三條次列樂曲十二條終以別樂識五音輪二十八調圖然有說無圖其舊本佚之歟崇文總目譏

其蕪駁不倫今考其中樂部諸條與開元禮杜佑通典
唐書禮樂志相出入知非傳聞無稽之談敘述亦頗有
倫理未知所謂蕪駁何在徐充暖姝由筆曰琴有敝聲
東坡言稽中散琴賦曰閒遼故音痺弦長故徽鳴所謂
痺者猶今所謂敝聲也敝音鮮出羯鼓錄則亦頗有裨
於考證惟樂曲諸名不及郭茂倩樂府詩集之備與王
灼碧雞漫志亦互有同異蓋茂倩書備載古題之目灼
書上溯宋詞之源而此書所列則當時被之管弦者詳
略不同職是故也

原序

爰自國朝初修郊禮刊定樂懸約三代之歌鍾均九威之律
度莫不韶音盡美雅奏克諧上可以籲天降神下可以移風
變俗也以至桑間舊樂濮上新聲金絲慎選於精能本領皆
傳於故老重翻曲調全祛淫綺之音復採優伶尤盡滑稽之
妙洎從離亂禮寺隳頽簞簋旣移警鼓莫辨梨園弟子半已
奔亡樂府歌章咸皆喪墜安節以幼少卽好音律故得麤曉
官商亦以聞見數多稍能記憶嘗見教坊記亦未周詳以耳
目所接編成樂府雜錄一卷自念淺拙聊且直書以俟博聞
者之補茲漏焉朝議大夫守國子司業上柱國賜紫金魚袋
段安節撰

樂府雜錄總目

雅樂部

雲韶樂

清樂部

鼓吹部

驅儺

熊羆部

鼓架部

龜茲部

胡部

歌

舞工

俳優

琵琶

箏

箜篌

笙

笛

觱篥

五絃

方響

擊甌

琴

阮咸

羯鼓

鼓

拍板

安公子

黃驄疊

離別難

夜半樂

雨霖鈴

還京樂

康老子

得寶子

文敘子

望江南

楊柳枝

傾杯樂

道調子

傀儡子

別樂識五音輪二十八調圖

樂府雜錄

守山閣叢書

唐段安節撰

金山錢熙祚錫之校

雅樂部

吳東坡

宮懸四面天子樂也軒懸三面諸侯樂也判懸一面大夫樂也特懸一面士樂也宮懸四面每面五架架卽簨簴也其上安金銅仰陽以鷺鷥孔雀羽裝之兩面綴以流蘇以綵翠絲紱爲之也十二律上鐘九乳依月排之每面石磬及編鐘各一架每架列鐘十二所亦依律編之四角安鼓四座一曰應鼓四旁有兩小鼓爲轆鼓也二曰腰鼓三曰鼗鼓四曰雷鼓皆彩畫上各安寶輪以珠翠粧之樂卽有簫笙竽塤箎籥跋膝琴瑟筑將竽形似小鐘以手將之卽鳴也次有登歌皆奏法曲御殿卽

奏凱安廣平雍熙三曲宴羣臣卽奏□□□□鹿鳴三曲近代內宴卽全不用法樂也郊天及諸壇祭祀卽奏太和沖和舒和三曲凡奏曲登歌先引諸樂逐之其樂工皆戴平幘衣緋大袖每色十二在樂懸內已上謂之坐部伎八佾舞則六十四人文武各半皆著畫幘俱在樂懸之北文舞居東手執翟狀如鳳毛武舞居西手執戚文衣長大武衣短小其鐘師及磬師登歌八佾舞并諸色舞通謂之立部伎祝敔樂懸旣陳太常卿押樂在樂懸之北面太樂令鼓吹令俱在太常卿之後太樂在東鼓吹居西協律郎二人皆執翬竿亦用綵翠粧之一人在殿上翬竿倒殿下亦倒遂奏樂協律郎皆綠衣大袖戴冠

雲韶樂

用玉磬四架樂卽有琴瑟筑簫簾簫跋膝笙竽登歌拍板樂分堂上堂下登歌四人在堂下坐舞童五人衣繡衣各執金蓮花引舞者金蓮如仙家行道者也舞在階下設錦筵宮中有雲韶院

清樂部

樂卽有琴瑟雲和箏其頭像雲笙竽箏簫方響簾跋膝拍板戲卽有弄賈大獵兒也

鼓吹部

卽有鹵簿鉦鼓及角樂用絃鼗笳簫又卽用哀笳以羊角爲管蘆爲頭也警鼓二人執朱幡引樂衣文戴冠已上樂人皆

騎馬樂卽謂之騎吹俗樂亦有騎吹也天子鹵簿用大全仗鼓一百二十面金鈺七十面郊天謁廟吉禮卽衣雲花黃衣鼓四鈺二下山陵凶禮卽衣雲花白衣鼓二鈺二下冊太后皇后及太子用鼓七十面金鈺四十面謂之小全仗公主出降及冊三公并祔廟禮葬竝用大半仗鼓四十面鈺二十面諸侯用小半仗鼓三十面鈺十四面吉凶如上自太子已下冊禮及葬祔廟竝無警鼓

驅儺

用方相四人戴冠及面具黃金爲四目衣熊裘執戈揚盾口作儺儺之聲以除逐也右十二人皆朱髮衣白口畫衣各執麻鞭辮麻爲之長數尺振之聲甚厲乃呼神名其有甲作食

死者腓胃食虎者騰簡食不祥者攬諸食咎者祖明强梁共

食磔死寄生者騰根食蠱者

○案以上神名及所食諸刻本並多舛誤今依文瀾閣本改

正考後漢志唐志唐六典十二神尚有雄伯食魅伯奇食夢委隨食觀錯斷食巨窮奇騰根共食蠱此僅舉其七疑有脫

簡

等侏子五百小兒爲之衣朱褶素襦戴面具以晦日於紫

宸殿前儼張宮懸樂太常卿及少卿押樂正到西閣門丞并

太樂署令鼓吹署令協律郎竝押樂在殿前事前十日太常

卿并諸官於本寺先閱儼并遍閱諸樂其日大宴三五署官

其朝寮家皆上棚觀之百姓亦入看頗謂壯觀也太常卿上

此

○案舊脫當字今補上此二字不可解當有脫誤

歲除前一日於右金吾龍尾道

下重閣卽不用樂也御樓時於金雞竿下打赦鼓一面鉦一

面以五十人唱色十下鼓一下鉦以千下

○案御樓下疑錯簡

熊羆部

其熊羆者有十二皆有木雕之悉高丈餘其上安版床復施寶幃皆金彩裝之於其上奏雅樂含元殿方奏此樂也奏唐

十二時萬字清月重輪三曲亦謂之十二案

○案此上有脫誤文獻通考一

百三十九云熊羆架十二悉高丈餘用木雕之其狀如床上安版四旁爲欄其中以登梁武帝始設十二案鼓吹在樂縣之外以施殿庭晏饗用之圖熊羆以爲飾故也隋煬帝更於案下爲熊羆貔豹騰倚之狀象百獸之舞又施寶幃於上用余彩飾之奏萬字清月重輪等三曲亦謂之十二案樂所引當卽此文附錄以俟考此下舊有樂具庫云云八十三字與上文不相比附乃錯簡也今刪去別附於後

鼓架部

樂有笛拍板答鼓卽腰鼓也兩杖鼓戲有代面始自北齊神武弟有膽勇善鬪戰以其顏貌無威每入陣卽著面具後乃

百戰百勝戲者衣紫腰金執鞭也。

案御覽五百六十九引樂府雜錄云大面出於北

齊齊蘭陵王長恭才武而貌美常著假面以對敵嘗擊周師金墉下勇冠三軍齊人壯之爲此聲以效其指搗擊刺之容

俗謂之蘭陵王入陣曲疑此有脫誤鉢頭昔有人父爲虎所傷遂上山尋其父

屍山有八折故曲八疊戲者被髮素衣。

案類說十面作啼六引作喪衣

蓋遭喪之狀也。

案鉢頭通典一百四十六作撥頭云出西域胡人爲猛獸所噬其子求獸殺之爲此舞

以象也與此小異

蘇中郎後周士人蘇葩嗜酒落魄自號中郎每有

歌場輒入獨舞今爲戲者著緋戴帽面正赤蓋狀其醉也卽

有踏搖娘。

案御覽五百七十三引云踏搖娘者生千隋末夫河內人醜貌而好酒常自號郎中醉歸必毆其

妻妻色美善歌乃自歌爲怨苦之詞河朔演其曲而被之管絃因寫其夫妻之容妻悲訴每搖其身故號踏搖娘近代優

人頗改其制度非舊制也疑此有脫簡

羊頭渾脫九頭獅子弄白馬蓋錢以至

尋橦跳丸吐火吞刀旋槩觔斗悉屬此部

龜茲部

樂有觿箎笛拍板四色鼓羯鼓雞樓鼓

案唐六典龜茲伎有豎箎篳篥琵琶

五絃笙簫橫笛觿箎銅鈸答臘鼓毛員鼓都曇鼓羯鼓侯提

齊鼓橋鼓此似有脫簡

戲有五方獅子

案方字舊作常依唐志文獻通考改

高丈餘各

衣五色每一獅子有十二人戴紅抹額衣畫衣執紅拂子謂

之獅子郎舞太平樂曲破陣樂曲亦屬此部秦王所制舞人

皆衣畫甲執旗旆外藩鎮春冬犒軍亦舞此曲兼馬軍引入

場尤甚壯觀也萬斯年曲是朱崖李太尉進此曲名即天仙

子是也

胡部

樂有琵琶五絃箏篳篥觿箎笛方響拍板合曲時亦擊小鼓

鉞子合曲後立唱歌涼府所進本在正宮調大遍小遍

案

舊謠作小者据樂府詩集七十九引改

至貞元初康崑崙翻入琵琶玉宸宮調

初進曲在玉宸殿

案玉宸宮調初進曲在八

字諸本並空依樂府詩集補故有此名合

諸樂卽黃鍾宮調也奉聖樂曲是韋南康鎮蜀時南詔所進在宮調亦舞伎六十四人遇內宴卽於殿前立奏樂更番替換若宮中宴卽坐奏樂俗樂亦有坐部立部也

歌

歌者樂之聲也故絲不如竹竹不如肉迴居諸樂之上古之

能者卽有韓娥李延年莫愁

莫愁者女子也樂府詩云莫愁在何處住在石城西艇子打兩

漿催送莫愁來案注莫愁者六字諸本並脫依御覽同

善歌

者

案舊脫者字据御覽補

必先調其氣氤氲自臍間出

案舊脫間字据御覽類說補

御覽出作發

至喉乃噫其詞卽分抗墜之音旣得其術卽可致遏

雲響谷之妙也明皇朝有韋青

案類說引下有者能歌三字

本是士人嘗

有詩三代主綸誥

案御覽主作掌

一身能唱歌青官至金吾將軍

案舊脫青字並金吾二字依御覽補

開元中內人有許和子者本吉州永新

縣樂家女也開元末選入宮卽以永新名之籍於宜春院旣

美且慧善歌能變新聲韓娥李延年

案諸本並說李字依御覽補

歿後千

餘載曠無其人至永新始繼其能遇高秋朗月臺殿清虛喉

嚙一聲響傳九陌明皇嘗獨召李謨吹笛逐其歌

案笛字舊譌曲依

御覽改

曲終管裂其妙如此又一日賜大酺於勤政樓觀者數

千萬衆誼譁聚語莫得聞魚龍百戲之音

案舊脫聞字依御覽類說補

上

怒欲罷宴中官高力士奏請命永新出樓歌一曲必可止誼

上從之永新乃撩鬢舉袂直奏曼聲至是廣場寂寂若無一

人喜者聞之氣勇

案御覽作義者聞之血湧

愁者聞之腸絕泊漁陽之

亂六宮星散永新爲一士人所得韋青避地廣陵因月夜憑

闌于小河之上

案舊脫因字月譌日小譌上依御覽類說補改

忽聞舟中奏水調

者曰此永新歌也乃登舟與永新對泣

案御覽作登舟久省之相與對泣

之青始亦晦其事後士人卒與其母之京師竟歿於風塵

案

御覽作終于狹邪間

及卒謂其母曰阿母錢樹子倒矣

大歷中

案御覽中作初

有才子張紅紅者本與其父歌於衢路丐

食過將軍韋青所居

在昭國坊南門裏案此注舊誤混入正文中依御覽移正

青於街

牖中

案御覽牖作窓

聞其歌者喉音寥亮仍有美色卽納爲姬其

父舍於後戶優給之乃自傳其藝穎悟絕倫嘗有樂工自撰

一曲

案一曲舊作歌依御覽樂府詩集八十改

卽古曲長命西河女也

案舊脫曲字

依御覽樂府詩集補

加減其節奏頗有新聲未進聞先印可於青青

案

印可舊作侑歌

潛令紅紅

案潛令舊作

於屏風後聽之紅

紅乃以小豆數合記其節拍

案節拍舊倒

樂工歌罷青因

入問紅紅如何

案舊脫因

云已得矣青出給云某有女弟

子

案舊脫某字

久曾歌此

案舊脫

非新曲也卽令隔屏

風歌之一聲不失樂工大驚異遂請相見歎伏不已再云此

曲先有一聲不穩今已正矣尋達上聽翊日召入宜春院寵

澤隆異宮中號記曲娘子尋爲才人一日內史奏韋青卒上

告紅紅乃於上前嗚咽奏云妾本風塵丐者一旦老父死有

所歸致身入內皆自韋青妾不忍忘其恩乃一慟而絕上嘉

歎之卽贈昭儀也貞元中有田順郎○案舊脫郎字依類說補曾爲宮中

御史娘子元和長慶以來有李貞信米嘉榮何戡陳意奴武

宗已降有陳幼寄南不嫌羅寵咸通中有陳彥暉○案碧雜漫志引樂

府雜錄云靈武刺史李靈囀置酒座客姓駱唱河滿子皆稱絕妙白秀才者曰家有聲妓歌此曲音調不同召至令歌發聲清越殆非常音駱遽問曰莫是宮中胡二子否妓熟視曰君豈梨園駱供奉耶相對泣下今本脫簡附錄于此

舞工

舞者樂之容也有大垂手小垂手或如驚鴻○案類說如作像御覽五百七

十四引明皇雜錄亦作像或如飛燕婆娑舞態也蔓延舞綴也古之能者

不可勝記卽有健舞軟舞字舞花舞馬舞健舞曲有稜大案

此似有誤樂府詩集五十三作大阿連柘枝劒器胡旋胡騰

○案樂府詩集八十四引達磨支健軟舞曲有涼州○案文

其雜曲有緣腰蘇合香屈柘團圓旋甘州等

字舞以舞人亞身於地布成字

也花舞著綠衣偃身合成花字也馬舞者攏馬人著綠衣執鞭於牀上舞蹀躞蹄皆應節奏也開元中有公孫大娘善舞劍器僧懷素見之草書遂長蓋准其頓挫之勢也。案准疑當作準御覽五百七十四引舞者樂之容也三十九字合注文開元中二十七字准作壯並以爲明皇雜錄蓋誤也其後又一條云開成末有樂人崇胡子能軟舞其腰支不異女郎也鄭處誨書不當及開成事當亦此處脫簡又類說引字舞云云及御覽所引並作正文

俳優

開元中黃幡綽張野狐弄參軍始自後漢館陶令石耽

舊脫案

後字依御覽五百六十九文獻通考作聘耽有賊犯和帝惜其才

免罪每宴樂卽令衣白夾衫命優伶戲弄辱之經年乃放後

爲參軍誤也

案此下舊本另提行誤今依御覽文獻通考移正

開元中有李仙鶴善

此戲明皇特授韶州同正參軍以食其祿是以陸鴻漸撰詞

云韶州參軍。

案云字舊謠言脫參軍二字。据御覽文獻通考改補。

蓋由此也。武宗朝

有曹叔度劉泉水。

案此下舊行鹹淡最妙四字。据文獻通考刪。

咸通以來卽有范

傳康上官唐卿呂敬遷等三人。

案文獻通考作有范博康上官唐卿呂敬儉馬季臯亦

其次

弄假婦人大中以來有孫乾。

案文獻通考作孫乾飯

劉璃餅近有

郭外春孫有熊。

案文獻通考作熊

僖宗幸蜀時戲中有劉真者尤能

後乃隨駕入京籍于教坊弄婆羅。

案婆羅下疑當有門字

大中初有康

迺李百魁石寶山大別有夷部樂卽有扶南高麗高昌驃國

龜茲。

案舊脫國龜二字。据唐會要補。

康國疏勒西涼安國樂卽有單龜頭

鼓及箏蛇皮琵琶蓋以蛇皮爲槽厚一寸餘鱗介具焉。

案舊脫

焉字依文獻通考一百三十七補

亦以楸木爲面其捍撥以象牙爲之畫其

國王騎象極精妙也。鳳頭篳篥臥篳篥其工頗奇巧。三頭鼓

鐵拍板葫蘆笙舞有骨鹿舞胡旋舞俱於一小圓毬子上舞

縱橫騰踏兩足終不離於毬子上其妙如此也

案御覽五百六十七作

其妙皆若夷舞也

琵琶

始自烏孫公主造馬上彈之有直項者曲項者曲項蓋使於

急關也

案舊脫曲項蓋二字使作便急關下衍中字據御覽五百八十三續談助引琵琶錄改關字琵琶錄

作古曲有陌上桑范曄石苞謝奕

案石苞舊謠石崇依御覽琵琶錄改此下

尚有孫放孔偉阮咸三人

皆善此樂也開元中有賀懷智其樂器以石爲

槽鵠鷄筋作絃用鐵撥彈之

案舊脫用字依御覽琵琶錄補

貞元中有康

崑崙第一手始遇長安大旱詔移兩市祈雨及至天門街市

人廣較勝負及鬪聲樂

案舊脫及字依御覽琵琶錄補

卽街東有康崑崙

琵琶最上必謂街西無以敵也遂請崑崙登綵樓

案請字舊作令依

御覽琵琶錄改

彈一曲新翻羽調錄要

即錄腰是也本自樂工進曲上令錄出要者因以爲名自

後來誤言緣腰也。案正文錄要舊譌緣腰注文出譌其今譌因誤譌設脫自後來三字誤入鄭中丞條未今依御覽琵琶錄文獻通考一百三十七移補改

正注中緣腰字琵琶錄並作六么

其街西亦建一樓東市

大謂之及崑崙度曲西市樓上出一女郎抱樂器先云我亦

彈此曲兼移在楓香調中及下撥聲如雷其妙入神崑崙卽

驚駭乃拜請爲師女郎遂更衣出見乃僧也蓋西市豪族厚

賂莊嚴寺僧善本

姓段。案此注舊混入正文依琵琶錄移正御覽作善本名俗姓段也

以定

東鄺之勝

案勝字舊譌聲依御覽琵琶錄改

翊日德宗召入令陳本藝異常

嘉獎乃令教授崑崙段奏曰且請崑崙彈一調及彈師曰本

領何雜兼帶邪聲崑崙驚曰段師神人也臣少年

案少年舊爲小据

御覽琵琶錄改初學藝時偶於鄰舍女巫授一品絃調後乃易數師

段師精鑑如此元妙也段奏曰且遣崑崙不近樂器十餘年

○案舊脫餘字依御覽琵琶錄補使忘其本領然後可教詔許之後果盡段

之藝

貞元中有王芬○案舊脫有字依御覽琵琶錄補曹保保其子善才○案舊

依御覽琵琶錄補其孫曹綱○案綱字舊誤綱依御覽琵琶錄改下同皆襲所藝次有裴

興奴與綱同時曹綱善運撥○案舊脫曹字依御覽琵琶錄補若風雨而不

事扣絃○案御覽扣作彈琵琶興奴長於攏撚○案御覽長作善不

撥稍軟○案舊脫此四字行類字依御覽琵琶錄補正時人謂曹綱有右手興奴有

左手武宗初朱崖李太尉有樂吏廉郊者師於曹綱盡綱之

能綱嘗謂儕流曰○案舊脫謂儕流三字依御覽補琵琶錄作嘗謂其流云教授人亦多

矣。

案舊脫後字亦字依御覽琵琶錄補

未曾有此性靈弟子也。

案舊脫會字依御覽補

琵琶錄作嘗

郊嘗宿平泉別墅值風清月朗攜琵琶於池上。

案舊脫

於字依琵琶錄補

彈麈賓調忽聞菱荷間有物跳躍之聲必謂是魚

及彈別調卽無所聞復彈舊調依舊有聲遂加意朗彈。

案舊覽

作因復彈麈賓久之

忽有一物鏘然躍出池岸之上視之。

案舊脫之字依琵琶錄

補御覽作觀之

乃一片方響。

案舊作乃方響一片依御覽琵琶錄乙轉

蓋麈賓鐵也。

案舊覽作蓋

琵琶錄作有知者

以指撥精妙律呂相應也。

案御覽作蓋以聲律諧和相

應故也其妙若此琵琶錄作致律呂相應物類相感耳

某門中有樂史楊志善琵琶其姑尤更妙絕姑本宣徽弟子

後放出宮於永穆觀中住自惜其藝常畏人聞每至夜方彈

楊志懇求教授堅不允且曰吾誓死不傳於人也。

案舊脫吾字依類

說琵琶錄補

志乃賂其觀主求寄宿於觀竊聽其姑彈弄仍繫脂

鞋帶以手畫帶記其節奏

案舊脫其字依琵琶錄文獻通考補

遂得一兩曲

調明日攜樂器詣姑彈之

案舊脫此二字依琵琶錄類說文獻通考補

姑大驚異

志卽告其事姑意乃回盡傳其能矣

文宗朝有內人鄭中丞善胡琴

中丞卽宮人之官也。案舊脫人之二字依御覽五百八

十三琵琶錄補

內庫有二琵琶

案舊脫有字依御覽琵琶錄補

號大小忽雷鄭嘗

彈小忽雷偶以匙頭脫送崇仁坊南趙家修理大約造樂器

悉在此坊其中二趙家最妙

案御覽二趙上有南北二字

時有權相舊吏

梁厚本有別墅在昭應縣之西正臨河岸

案舊脫縣字依琵琶錄補御覽作

大和中有權相舊吏梁厚本

莊在渭南縣之西北臨渭水垂鈎之際忽見一物浮過長五

六尺許上以錦綺纏之令家僮接得就岸卽祕器也及發棺

視之乃一女郎粧飾儼然以羅領巾繫其頸解其領巾伺之

口鼻有餘息卽移入室中將養經旬乃能言云是內弟子鄭

中丞也昨以忤旨命內官縊殺投于河中錦綺卽弟子相贈

爾遂垂泣感謝厚本卽納爲妻因言其藝及言所彈琵琶今

在南趙家尋值訓注之亂人莫有知者厚本賂樂匠贖得之

○案贖字舊作購依御覽琵琶錄改每至夜分方敢輕彈後遇良辰○案辰字舊譌夜依

御覽琵琶錄改飲於花下酒酣不覺朗彈數曲洎有黃門放鵲子過

其門私於墻外聽之曰此鄭中丞琵琶聲也翊日達上聽文

宗方追悔至是驚喜卽命宣召乃赦厚本罪

○案琵琶錄此下有任從匹配

四仍加錫賜焉感通中卽有米和

卽嘉榮子也。案五字舊作正文依琵琶錄改彼文

和下有卽字無也字申旋尤妙

○案申旋琵琶錄作田從道後有王連兒

也。

案後字舊譌復依琵琶錄改此下舊有前羽調緣腰注云云二十八字乃錯簡今刪去移正見前琵琶錄王連兒

下有注名金兩三字

箏

箏者蒙恬所造也。元和至太和中李青青及龍佐大中以來有常述本亦妙手也。史從李從周皆能者也。從周卽青孫亞其父之藝也。

箜篌

箜篌乃鄭衛之音。權輿也。以其亡國之音故號空國之侯。亦曰坎侯。古樂府有公無渡河之曲。昔有白首翁溺於河。歌以哀之。其妻麗玉善箜篌。撰此曲。

案其妻二字舊譌女依類說文獻通考一百三十七引

改据崔豹古今注。箜篌引霍里子高妻麗玉所作也。有白首狂夫亂流而渡。妻呼止不及。墮河死。於是援箜篌作公無渡。

河歌曲終投河死子高還語妻麗玉玉傷之乃引箜篌而寫其聲此歌以哀之上下當有脫文類說文獻通考併脫此句遂似麗玉卽白首翁妻大謬又初學記十六引琴操以箜篌引爲霍里子高所作與此及古今注異以寄哀情咸通中第一部有張小子忘其名彈弄冠于今古今在西蜀太和中季齊皐者亦爲上手曾爲某門中樂史後有女亦善此伎爲先徐相姬大中末齊皐尙在有內官擬引入教坊辭以衰老乃止○案止字舊謫至依文瀾閣本改胡部中此樂妙絕教坊雖有三十人能者一兩人而已

笙

笙者女媧造也仙人王子晉於緱氏山下吹之象鳳翼亦名參差自古能者固多矣太和中尉遲章尤妙宣宗已降有范漢恭有子名寶師盡傳父藝今在陝州

笛

笛者

案舊脫者字依能改齋漫錄引補

美樂也古有落梅花曲開元中有李

謨獨步於當時後祿山亂流落江東越州刺史皇甫政月夜

泛鏡湖命謨吹笛謨爲之盡妙倏有一老父泛小舟來聽風

骨冷秀政異之進而問焉老父曰某少善此今聞至音輒來

聽耳政卽以謨笛授之老父始奏一聲鏡湖波浪搖動數疊

之後笛遂中裂卽探懷中一笛以畢其曲政視舟下見二龍

翼舟而聽老父曲終以笛付謨謨吹之竟不能聲卽拜謝以

求其法頃刻老父入小舟遂失所在

案文獻通考一百三十八全引此文末有大

中以來有王六六王師簡亦妙手也十五字疑此有脫簡

簫簃

簫箎者

○案舊脫此三字依御覽五百八十四補

本龜茲國樂也亦曰悲栗有類

於笳德宗朝有尉遲青官至將軍大歷中幽州有王麻奴者
善此伎河北推爲第一手恃其藝倨傲自負戎帥外莫敢輕
易請者時有從事姓盧不記名臺拜入京臨岐把酒請吹一
曲相送麻奴偃蹇大以爲不可從事怒曰汝藝亦不足稱殊
不知上國有尉遲將軍冠絕今古麻奴怒曰某此藝海內豈
有及者耶今卽往彼定其優劣不數月到京訪尉遲青所居
在常樂坊乃側近僦居日夕加意吹之尉遲每經其門如不
聞麻奴不平乃求謁見閤者不納厚賂之方得見通青卽席
地令坐因於高般涉調中吹一曲

○案舊脫此二字依御覽補

勒部羝曲

曲終汗浹其背尉遲領頤而已謂曰何必高般涉調也

○案御覽

作此曲何必於高般涉調徒費許多氣力也卽自取銀字管於平般涉調吹之麻

奴涕泣愧謝曰邊鄙微人偶學此藝實謂無敵案御覽作麻奴驚憤垂

泣拜之曰某生于偏遠之方偶有寡藝實爲無人今日幸聞天樂案幸字舊譌忒依御覽類說改

方悟前非乃碎樂器自是不復言音律也案御覽作遂將樂器碎之而歸終

身不復言元言和長慶中有黃日遷劉楚材尙陸陸皆能者大中

以來有史敬約在汴州

五絃

貞元中有趙璧者妙於此伎也白傅諷諫有五絃彈近有馮

季臯

方響

咸通中有調音律官吳續爲鼓吹署丞善打方響其妙超羣

本朱崖李太尉家樂人也。案舊脫此條依御覽五百八十四補

擊甌

武宗朝

案御覽五百八十四作大。中初文獻通考一百三十五作武宗大。中初郭道源後爲鳳

翔府天興縣丞

案縣字舊譌寺依御覽文獻通考改

充太常寺調音律官善

擊甌

案善上舊有亦字依御覽刪

率以邢甌越甌共十二隻旋加減水於

其中以筋擊之其音妙於方響也

案舊脫此七字依御覽補

咸通中有

吳縝洞曉音律亦爲鼓吹署丞充調音律官善於擊甌擊甌

益出於擊缶

案此條舊題作方響然文獻通考亦隸擊類引郭道源事于缶下文獻通考亦隸擊類

說引此正題作擊甌今從之惟吳縝云云與御覽方響下所引相復當有衍字文獻通考但云咸通中吳縝亦精于此

琴

古者能士固多矣貞元中成都雷生善斲琴至今尙有孫息

不墜其業精妙天下無比也彈者亦衆焉太和中賀若夷
尤能後爲待詔對文宗彈一調上嘉賞之仍賜朱衣至今爲
賜緋調後有甘黨亦爲上手

阮咸

大中初有待詔張隱聳者其妙絕倫蜀郡亦多能者

羯鼓

明皇好此伎有汝陽王花奴尤善擊鼓花奴時戴研絹帽子
上安葵花數曲曲終花不落蓋能定頭項爾黔帥南卓著羯
鼓錄中具述其事咸通中有王文舉尤妙弄三杖打撩萬不
失一懿皇師之

鼓

其聲坎坎然其衆樂之節奏也。禰衡常衣綵衣擊鼓其妙入神。武宗朝趙長史尤精。

拍板

拍板本無譜。明皇遣黃幡綽造譜乃於紙上畫兩耳以進。

御覽五百八十四文獻通考一百三十九並作畫一耳進之上問其故對但有耳道則無

失節奏也。

案舊脫則失二字依御覽類說文獻通考補

韓文公因爲樂句

案舊作韓文

日樂句依御覽補正此下舊有占樂工云云六十五字與上文不相比附亦錯簡也今刪去別附於後

安公子

隋煬帝遊江都時有樂工笛中吹之其父老廢於臥內聞之問曰何得此曲子對曰宮中新翻也父乃謂其子曰宮爲君商爲臣。

案二爲字舊並譌曰依類說改

此曲宮聲往而不返大駕東巡必

不回矣汝可託疾勿去也精鑑如此

黃驄疊

急曲子

太宗定中原時所乘戰馬也後征遼馬斃上歎惜乃命樂工撰此曲

離別難

天后朝有士人陷冤獄籍沒家族其妻配入掖庭本初善吹觱篥乃撰此曲以寄哀情始名大郎神蓋取良人行第也既畏人知案舊脫此四字依御覽五百六十八樂府詩集八十類說補遂三易其名亦名悲切子終號怨迴鶻案怨字舊謬愁依御覽樂府詩集改又近事會元引雜錄如意娘唐則天撰之

夜半樂

明皇自潞州入平內難正夜半斬長樂門關領兵入宮翦逆

人後撰此曲

案御覽作平韋庶人後乃命樂人撰此曲此下舊衍名還京樂四字今刪

雨霖鈴

雨霖鈴者因唐明皇駕迴至駱谷聞雨霖變鈴因令張野狐

撰爲曲名

案此條舊脫依御覽補又近事會元引樂府錄君臣相遇樂唐明皇天寶中命譚淨眼等作

還京樂

明皇自西蜀返

案此四字御覽樂府詩集並作自蜀反正

樂人張野狐所製

案

此條舊題雨霖鈴誤今據御覽樂府詩集改正

康老子

康老子者本長安富家子

案者本二字舊謬卽依御覽五百六十八改酷好聲樂

案舊脫此四字依御覽補

落魄不事生計常與國樂游處一旦家產蕩

盡因詣西廊遇一老嫗

案御覽作遇一媚

持舊錦褥貨鬻乃以半千

獲之尋有波斯見大驚謂康曰何處得此至寶

案舊脫此三字依御覽

補此是冰蠶絲所織若暑月陳於座可致一室清涼卽酬價

千萬

案舊脫價字依御覽補

康得之還與國樂追歡不經年復盡尋卒

後樂人嗟惜之遂製此曲亦名得至寶

得寶子

案舊脫此題誤連上條依御覽補正

得寶歌一曰得寶子又曰得韞子

案舊脫此十三字依樂府詩集八十六補

明

皇初納太真妃喜謂後宮曰朕得楊氏

案舊作楊家女依御覽樂府詩集改

如得至寶也遂製曲名得寶子

文敘子

案御覽敘作叔

長慶中俗講僧文敘善吟經其聲宛暢感動里人樂工黃米飯依其念四聲觀世音菩薩乃撰此曲

望江南

始自朱崖李太尉鎮淞西日

案舊脫西字依御覽樂府詩集八十二補

爲亡妓

謝秋娘所撰本名謝秋娘後改此名

案御覽作後進入教坊遂改名

亦曰

夢江南

楊柳枝

白傳閒居洛邑時作

案御覽作白傳典杭州時所撰

後入教坊

新傾盃樂

案通典一百四十六貞觀末有裴神奴作傾盃樂明皇雜錄元宗時馬舞曲名傾盃樂

故此宣宗所製別名新傾盃樂也舊脫新字依御覽補

宣宗喜吹蘆管

案御覽喜作善

自製此曲內有數拍不均上初捻

管

案舊脫內有七字依御覽補

令俳兒辛骨𩑔拍不中上瞋目睜視之

案

舊脫之字依御覽補

骨𩑔憂懼一夕而殞

案夕字舊誤日依御覽改

道調子

懿皇

案御覽作懿皇后下上字亦作懿皇后

命樂工敬約

案約舊爲納依御覽近事會元引改

吹簫築初弄道調上謂是曲誤拍之敬約乃隨拍撰成曲子

傀儡子

自昔傳云起於漢祖在平城爲冒頓所圍其城一面卽冒頓妻閼氏兵強於三面壘中絕食陳平訪知閼氏妬忌卽造木偶人運機關舞於陣間閼氏望見謂是生人慮下其城冒頓必納妓女遂退軍史家但云陳平以祕計免蓋鄙其策下爾後樂家翻爲戲其引歌舞有郭郎者髮正禿善優笑閭里呼爲郭郎凡戲場必在俳兒之首也

別樂識五音輪二十八調圖

舜時調八音用金石絲竹匏土革木計用八百般樂器至周時改用宮商角徵羽用製五音減樂器至五百般至唐朝又減樂器至三百般太宗朝三百般樂器內挑絲竹爲胡部用宮商角羽並分平上去入四聲其徵音有其聲無其調

平聲羽七調

第一運中呂調第二運正平調第三運高平調第四運仙呂調第五運黃鍾調第六運般涉調第七運高般涉調

雖去中呂調六

運如車輪轉却去中呂一運聲也。案注六字舊爲之今正

上聲角七調

第一運越角調第二運大石角調第三運高大石角調第四運雙角調第五運小石角調亦名正角調第六運歇指角調

第七運林鍾角調

去聲宮七調

第一運正宮調第二運高宮調第三運中呂宮第四運道調
宮第五運南呂宮第六運仙呂宮第七運黃鍾宮

入聲商七調

第一運越調第二運大石調第三運高大石調第四運雙調
第五運小石調第六運歇指調第七運林鍾商調

上平聲調

爲徵聲 商角同用 宮逐羽音

右件二十八調琵琶八十四調方得是五絃五本共應二十
八調本笙除二十八調本外別有二十八調中管調

。案以
上語不

可解當有脫誤初製胡部樂無方響只有絲竹緣方響有直拔聲不

應諸調。案此句舊在有直拔聲上依類說緯略六乙轉太宗於內庫別收一片鐵

方響。案鐵下舊行有以二字依緯略刪類說鐵下有名字下於中呂調頭一運。案

舊謠韻今正聲名大呂應高般涉調頭方得應二十八調箏只有

宮商角羽四調。案箏上舊行是字依緯略刪臨時移柱應二十八調

樂具庫在望仙門內之東壁俗樂古都屬樂園新院院在太

常寺內之西北也開元中始別署左右教坊上都在延政里

東都在明義里以內官掌之至元和中只署一所又於上都

廣化里太平里兼各署樂官院一所

古樂工都計五千餘人內一千五百人俗樂係梨園新院於

此旋抽入教坊計司每月請料。案請字舊謠稿依文瀾閣本改於樂寺給

散太樂署在寺院之東令一丞一鼓吹署在寺門之西令一

丞一

○案樂具庫條舊蒙熊羆部條下古樂工條舊蒙拍板條
下皆係錯簡今移附於此此二條所述正相止附疑原係
一條也

樂府雜錄跋

唐季鍾簴頻移樂紀廢墜無復貞觀十部之盛段氏就其聞見撰爲此錄語焉不詳復多舛駁如警鼓本軍營之樂隋煬帝嘗一用於晏享聲與衆樂不和唐制惟鼓吹部有警鼓若宮縣四角之鼓据文獻通考乃應鼓顙鼓鷺鼓雷鼓而此以顙鼓鷺鼓爲腰鼓警鼓教坊記踏謠娘北齊有人姓蘇鮑鼻不仕而自號郎中酗酒毆妻妻悲訴鄰里時人弄之以其且步且歌謂之踏謠而此譌爲蘇葩自號中郎又別出踏謠娘皆失考至言舜時調八音用金石絲竹匏土革木計用八百般樂器周時改用宮商角徵羽製五音減樂器至五百般說尤妄誕宜崇文總目譏其蕪駁不倫也然唐時樂制絕無傳

者存此尙足略見一斑故唐書文獻通考樂府詩集多取其說惜舊本譌脫甚夥正文與注互相淆混有一事分爲二事者他條誤入此條者末五音圖云平聲羽上聲角去聲宮入聲商上平聲調爲徵聲語不可解据徐景安樂書以上平爲宮下平爲商去聲爲羽入聲爲角則末七字當作上聲爲徵聲胡竹軒樂律表微乃謂上爲變宮變宮爲角上平犯下平爲徵憑臆附會直郢書燕說耳又宮商羽七運皆起黃鍾則七閏宮當首高大石角今以越角爲首亦傳寫之譌蓋二十八調原本圓圖後人易圖爲說致錯亂如此茲訂正其可知者而姑闕所疑焉直齋書錄解題有段安節琵琶故事一卷晁伯宇續談助鈔作琵琶錄實卽此書烏孫公主數條殆好

事竄取飾以別名其字句異同處頗資校訂云彊圉作噩歲
律中黃鍾之月錢熙祚識

棋

徑

欽定四庫全書提要

碁經一卷宋晏天章撰張靖序曰圍碁之戲或言是兵法之類今取勝敗之要分十三篇碁局第一得算第二權輿第三合戰第四虛實第五自知第六審局第七度情第八斜正第九洞微第十名數第十一品格第十二雜說第十三後有跋云自宋以善弈顯名天下者昔待詔老劉宗今日劉仲甫楊中隱王琬孫佻郭範李百祥輩皆能誦此十三篇體其常而生其變也其跋不著名氏觀仲甫爲今日則爲南宋初人蓋此書在當時已爲弈家之模範矣

原序

傳曰飽食終日無所用心不有博弈者乎桓譚新論曰世有圍碁之戲或言是兵法之類上者遠其疏張揖以會圍困而成得道之勝中者則務相絕遮要以爭便求利故勝負狐疑須計數以定下者則守邊隅趨作郢以自生於小地春秋而下代有其人則弈碁之道從來尚矣今取勝敗之要分爲十三篇有與兵法合者亦附于中云爾張儼序

碁經

守山閣叢書 子部

宋張擬撰

金山錢熙祚錫之校

論局篇第一

夫萬物之數從一而起局之路三百六十有一者生數之主據其極而運四方也三百六十以象周天之數分而爲四以象四時隅各九十路以象其日外周七十二路以象其候枯碁三百六十白黑相半以法陰陽局之線道謂之枰線道之間謂之罅局方而靜碁圓而動自古及今弈者無同局曰日日新故宜用意深而存慮精以求其勝負之由則至其所未至矣

得算篇第二

碁者以正合其勢以權制其敵故計定於內勢成於外戰未合而算勝者得算多也算不勝者得算少也戰已合而不知勝負者無算也兵法曰多算勝少算不勝而況於無算乎由此觀之勝負見矣

權輿篇第三

權輿者弈碁布置務守綱格先於四隅分定勢子然後拆二斜飛下勢子一等立二可以拆三立三可以拆四與勢子相望可以拆五近不必比遠不必乖此皆古人之論後學之規捨此改作未之或知詩曰靡不有初鮮克有終

合戰篇第四

博奕之道貴乎謹嚴高者在腹下者在邊中者占角此碁家

之常然法曰甯輸數子勿失一先有先而後有後而先擊左則視右攻後則瞻前兩生勿斷俱活勿連闊不可太踈密不可太促與其戀子以求生不若棄之而取勢與其無事而強行不若因之而自補彼衆我寡先謀其生我衆彼寡務張其勢善勝者不爭善陳者不戰善戰者不敗善敗者不亂夫基始以正合終以奇勝必也四顧其地牢不可破方可出入不意掩人不備凡敵無事而自補者有侵絕之意也棄小而不救者有圖大之心也隨手而下者無謀之人也不思而應者取敗之道也詩云惴惴小心如臨于谷

虛實篇第五

夫弈碁緒多則勢分勢分則難救投碁勿逼逼則使彼實而

我虛虛則易攻實則難破臨時變通宜勿執一傳曰見可而進知難而退

自知篇第六

夫智者見於未萌愚者暗於成事故知己之害而圖彼之利者勝知可以戰不可以戰者勝識衆寡之用者勝以虞待不虞者勝以逸待勞者勝不戰而屈人之棊者勝老子曰自知者明

審局篇第七

夫弈棊布勢務相接連自始至終著著求先臨局交爭雌雄未決毫釐不可以差焉局勢已贏專精求生局勢已弱銳意侵綽沿邊而走雖得其生者敗弱而不伏者愈屈躁而求勝

者多敗兩勢相圍先蹙其外勢孤援寡則勿走是故棊有不走之走不下之下誤人者多方成功者一路而已能審局者則多勝矣易曰窮則變變則通通則久

度情篇第八

人生而靜其情難見感物而動然後可辨推之於棊勝敗可得而先驗法曰夫持重而廉者多得輕易而貪者多喪不爭而自保者多勝務殺而不顧者多敗因敗而思者其勢進戰勝而驕者其勢退求己弊不求人之弊者益攻其敵不知敵之攻己者損曰疑一局者其思周心役他事者其慮散行遠而正者古機淺而詐者凶能自畏敵者強謂人莫己若者亡意旁通者高心執一者卑語默有常使敵難量動靜無度招

人所惡詩云他人有心予忖度之

斜正篇第九

或曰碁以變詐爲務劫殺爲名豈非詭道邪予曰不然易云師出以律否臧凶兵本不尚詐謀言詭道者乃戰國縱橫之說碁雖小道實與兵合故碁之品甚繁而奕之者不一得品之下者舉無思慮動則變詐或用手以影其勢或發言以泄其機得品之上者則異於是皆沈思而遠慮因形而用權神遊局內意在子先圖勝於無勝滅行於未然豈假言辭喋喋手勢翩翩者哉傳曰正而不譎其是之謂歟

洞微篇第十

凡碁有益之而損者有損之而益者有侵而利者有侵而害

者有宜左投者有宜右投者有先著者有後著者有緊辟者有慢行者粘子勿前棄子思後有始近而終遠者有始少而終多者欲強外先攻內欲實東先擊西路虛而無眼則先覷無害于他碁則做劫饒路則宜疏受路則勿戰擇地而侵無礙則進此皆碁家之幽微也不可不知大易曰非天下之至精孰能與於此

名數篇第十一

夫弈碁者凡下一子皆有定名碁之形勢死生存亡因名而可見有衝有幹有綽有約有飛有關有割有粘有頂有尖有覷有門有打有斷有行有立有捺有點有聚有蹀有夾有拶有辟有刺有勒有撲有征有劫有持有殺有鬆有盤圍碁之

名三十有二圍碁之人意在萬周臨局變化遠近縱橫我不
得而前知也用行取勝難逃此名傳曰必也正名乎碁之謂
歟

品格篇第十二

夫圍碁之品有九一曰入神二曰坐照三曰具體四曰通幽
五曰用智六曰小巧七曰鬪力八曰若愚九曰守拙九品之
外不可勝計未能入格今不復云傳曰生而知之者上也學
而知之者次也困而學之又其次也

雜說篇第十三

夫碁邊不如角角不如腹約輕於捺捺輕於辟夾有虛實打
有情僞逢綽多約遇撈多粘大眼可贏小眼斜行不如正行

兩關對直則先覷前途有礙則勿征施行未成不可先動角
盤曲四局終乃亡直四板六皆是活棊花聚透點多無生路四
隅十字不可先紐勢子在心勿打角圖弈不欲數數則怠怠則
不精亦不欲踈踈則忘忘則多失勝不言敗不語振廉讓之
風者乃君子也起忿怒之色者小人也高者無亢卑者無怯
氣和而韻舒者喜其將勝心動而色變者憂其將敗也赧莫
赧於易恥莫恥於盜妙莫妙於用鬆昏莫昏於覆劫凡棊直
行三則改方聚四則非勝而路多名曰贏局敗而無路名曰
輸籌皆籌爲濫停路爲芾打籌不得過三淘子不限其數劫
有金井轆轤有無休之勢有交遞之圖弈棊者不可不知也
凡棊有敵手有半先有先兩有桃花五有北斗七夫棊有無

之相生遠近之相成強弱之相形利害之相傾不可不察也是以安而不泰存而不驕安而泰則危存而驕則亡易曰君子安而不忘危存而不忘亡

原跋

自宋以弈顯名天下者昔年待詔老劉宗今日劉仲甫楊中隱以至王琬孫佺郭範李百祥輩人人皆能誦此十三篇體其常而生其變也古人謂猶盤中走圓橫斜曲直繫於臨時不可盡知而必可知者是圓不能出於盤也碁經盤也弈者圓也士君子無所用心則可觀焉

碁經終

棋經跋

棋經十三篇未見於諸家著錄崇文總目有弈棋經一卷不著撰人名氏通志略宋志並同疑卽此書也元晏天章嚴德甫等輯元元棋經冠十三篇於卷首題云皇祐中學士張儼撰明人所輯居家必備中亦有之與晏本同姚廣孝等編永樂大典取晏本編入卽題元元棋經而云宋晏天章撰十三篇固無元元名目晏天章亦非宋人著棋經者並非晏天章蠶績蟹螯亦一奇矣前有元序末題張靖觀其文意乃擬自序今悉爲更正卷尾附跋不知何人所作有今日劉仲甫云云仲甫姓名見於何遠春渚紀聞及蔡條鐵圍山叢談蓋在北宋末也篇中間有脫誤依晏本校補晏本原有注文係輯

譜者所加故置之雪枝氏識

奇器圖說

附諸器圖說

欽定四庫全書提要

奇器圖說三卷諸器圖說一卷奇器圖說明西

洋人鄧玉函撰諸器圖說明王徵撰徵涇陽人

天啟壬戌進士官揚州府推官嘗詢西洋奇器

之法於玉函玉函因以其國所傳文字口授徵

譯爲是書其術能以小力運大故名曰重又謂

之力藝大旨謂天地生物有數有度有重數爲

算法度爲測量重則卽此力藝之學皆相資而

成故先論重之本體以明立法之所以然凡六

十一條次論各色器具之法凡九十二條次起

重十一圖引重四圖轉重二圖取水九圖轉磨

十五圖解木四圖解石轉碓書架水日晷代耕

各一圖水銃四圖圖皆有說而於農器水法尤

爲詳備其第一卷之首有表性言解表德言解

二篇俱極誇其法之神妙大都荒誕恣肆不足

究詰然其製器之巧實爲甲於古今寸有所長

自宜節取且書中所載皆裨益民生之具其法

至便而其用至溥錄而存之固未嘗不可備一

家之學也諸器圖說凡圖十一各爲之說而附以銘贊乃徵所作亦具有思致云

--	--	--	--	--	--	--	--	--

遠西奇器圖說錄最

奇器圖說乃遠西諸儒攜來彼中圖書此其七千餘部中之一支就一支中此特其千百之什一耳余不敏竊嘗仰窺制器尙象之旨而深有味乎璇璣玉衡之作一器也規天條地七政咸在萬禩不磨奇哉蔑以尙已考工指南而後代不乏宗工哲匠然自化人奇肱之外巧絕弗傳而木牛流馬遂擅千古絕響余甚慕之愛之間嘗不揣固陋妄製虹吸鶴飲輪壺代耕及自轉磨自行車諸器見之者亦頗稱奇然于余

心殊未甚快也偶讀職方外紀所載奇人奇事未易更僕數其中一二奇器絕非此中見聞所及如云多勒多城在山巔取山下之水以供山上運之甚艱近百年內有巧者製一水器能盤水直至山城絕不賴人力其器自能晝夜轉運也又云亞而幾墨得者天文師也承國王命造一航海極大之船舶成將下之海計雖傾一國之力用牛馬駱駝千萬莫能運也幾墨得營作巧法第令王一舉手引之船如山岳轉動須臾卽下海矣又造一自動渾天儀其七政各有本

動凡列宿運行之遲疾一一與天無二其儀以玻璃爲之悉可透視眞希世珍也職方外紀西儒艾先生所作其言當不得妄余益爽然自失而私竊嚮往曰嗟乎此等奇器何緣得當吾世而一覩之哉丙寅冬余補銓如都會龍精華鄧函璞湯道未三先生以候旨修歷寓舊邸中余得朝夕晤請教益甚謹也暇日因述外紀所載質之三先生笑而唯唯且曰諸器甚多悉著圖說見在可覽也奚敢妄余亟索觀簡帙不一第專屬奇器之圖之說者不下千百餘種其器多

用小力轉大重或使升高或令行遠或資修築或運芻餉或便泄注或上下舫船或預防災祲或潛禦物害或自春自解或生響生風諸奇妙器無不備具有用人力物力者有用風力水力者有用輪盤有用關捩有用空虛有卽用重爲力者種種妙用令人心花開爽間有數製頗與愚見相合閱其圖繪精工無比然有物有像猶可覽而想像之乃其說則屬西文西字雖余嚮在里中得金四表先生爲余指授西文字母字父二十五號刻有西儒耳目資一書亦略知其

音響乎顧全文全義則茫然其莫測也於是亟請譯以中字鄧先生則曰譯是不難第此道雖屬力藝之小技然必先考度數之學而後可蓋凡器用之微須先有度有數因度而生測量因數而生計算因測量計算而有比例因比例而後可以窮物之理理得而後法可立也不曉測量計算則必不得比例不得比例則此器圖說必不能通曉測量另有專書算指具在同文比例亦大都見幾何原本中先生爲余指陳余習之數日頗亦曉其梗概於是取諸器圖說全帙

分類而口授焉余輒信筆疾書不次不文總期簡明
易曉以便人人覽閱然圖說之中巧器極多第或不
甚關切民生日用如飛鳶水琴等類又或非國家工
作之所急需則不錄特錄其最切要者器誠切矣乃
其作法或難如一器而螺絲轉太多工匠不能如法
又或器之工值甚鉅則不錄特錄其最簡便者器俱
切俱便矣而一法多種一種多器如水法一器有百
十多類或重或繁則不錄特錄其最精妙者錄既成
輒名之爲遠西奇器圖說錄最云客有愛余者顧而

言曰吾子嚮刻西儒耳目資猶可謂文人學士所不
廢也今茲所錄特工匠技藝流耳君子不器子何敝
敝焉於斯矧西儒寓我中華我輩深交固真知其賢
矣第其人越在遐荒萬里外不過西鄙一儒焉耳奚
爲偏嗜篤好之若此余應之曰學原不問精麤總期
有濟於世人亦不問中西總期不違於天茲所錄者
雖屬技藝末務而實有益於民生日用國家興作甚
急也儻執不器之說而鄙之則尼父繫易胡以又云
備物制用立成器以爲天下利莫大乎聖人且夫畸

人罕邁紀學希聞遇合最難歲月不待明睹其奇而
不錄以傳之余心不能已也故嚮求耳目之資今更
求爲手足之資已耳他何計焉夫西儒在茲多年士
大夫與之遊者靡不心醉神怡彼且不驕不吝奈何
當吾世而覲面失之古之好學者裹糧負笈不遠數
千里往訪今諸賢從絕徼數萬里外齎此圖書以傳
我輩我輩反忍拒而不納歟諸賢寥寥數輩胥皆有
道之儒來賓來王視昔越裳肅慎不啻遠之遠矣正
可昭我明聖德來遠千古罕儷之盛邇來余省新從

地中掘出一碑額題景教流行中國碑頌乃唐郭子儀時所鑄千載如新與今日諸賢所傳敬天主之教一一若合符節所載自唐太宗以後凡六帝遞相崇敬甚篤也在昔已然今又何嫌忌之與有客又笑謂余曰是固然矣第就子言耳目有資手足有資而心獨可無資乎哉西儒縹緲盈室資心之書必多子不之譯而獨譯此器書何也余俯而唯唯曰有迹之器具麤可指陳無形之理譚粹難究竟余小子不敏聊以辦此足矣若夫西儒義理全書非木天石渠諸大

手筆弗克譯也此固余小子昕夕所深願而力不逮者其尙俟之異日客遂領然而去余因併錄其言以識歲月胥天啟七年丁卯孟春關中涇邑了一道人

王徵謹識

遠西奇器圖說錄最凡例

一正用

重學

借資

窮理格物之學

度學

數學

視學

呂律學

一引取

勾股法義

園容較義

蓋憲通考

泰西水法

幾何原本

坤輿全圖

簡平儀

渾天儀

天問略

同文算指

天主實義

畸人十篇

七克

自鳴鍾說

望遠鏡說

職方外紀

西學或問

西學凡

一制器器

度數尺

驗地平尺

合用分方分圓尺

兩端卽兩規矩

闔闢分方分圓各由一分起至十分尺

規矩

兩足規矩

三足規矩

兩螺絲轉闔闢定用規矩

單螺絲轉闔闢任用規矩

畫銅鐵規矩

畫紙規矩

作雞蛋形規矩

作螺絲轉形規矩

移遠畫近規矩

寫字以大作小以小作大規矩

螺絲轉母

活鋸

雙翼鑽

螺絲轉鐵鉗

一記號

號必用西字者西字號初似難記然正因其難記欲覽者怪而尋索必求其得耳況號止二十形象各異又不甚煩不甚難乎今將西字總列于左卽以中字並列釋之以便觀覽且欲知西字止二十號耳可括

短柱

梁

橫梁

側梁

架

高架

方架

短架

槓杆

軸

立軸

平軸

斜軸

觚軸

輪

立輪

攪輪

平輪

斜輪

飛輪

行輪

星輪

鼓輪

齒輪

輻輪

觚輪

燈輪

水輪

風輪

十字立輪

十字平輪

半規斜輪

木板立輪

木板平輪

鋸齒輪

半規鋸齒輪

上下相錯鋸齒輪

左右相錯鋸齒輪

曲柄

左右對轉曲柄

上下立轉曲柄

單轆轤

雙轆轤

滑車

推車

曳車

駕車

玉衡車

龍尾車

恒升車

索

曳索

垂索

轉索

纏索

水戽

水杓

連珠戽

鶴膝轉軸

風蓬

風扇

活輓木

活地平

活桔槔

一諸器所用

用器

用人

用馬

用風

用水

用空

用重

用槓

用輪

用龍尾

用螺絲

用秤杆

用滑車

用攪

用轉

用推

用曳

用揭

用墜

用薦

用提

用小力

用大力

用一器

用數器

用相等之器

用相勝之器

用相通之器

用相輔之器

一諸器能力

能以小力勝大重

能使重者升高

能使重者行遠

能使在下者遞上而不窮

能使不動者常動而不息

能使不鳴者自鳴

能使不吹者自吹

能使大者小

能使小者大

能使近者遠

能使遠者近

一諸器利益

省大力

免大勞

解大苦

釋大難

節大費

長大識

增大智

致一切難致之物平易而無危險

一全器圖說

起重圖說

引重圖說

轉重圖說

取水圖說

轉磨圖說

解木圖說

解石圖說

轉碓圖說

轉書輪圖說

水轉日晷圖說

代耕圖說

水銃圖說

取力水圖說

書架圖說

人飛圖說

遠西奇器圖說錄最卷第一


守山

明西洋鄧玉函口授

關西王徵譯繪

金山錢熙

薛錫均校



奇器圖說譯西庠文字而作者也西庠凡學各有
本名此學本名原是力藝力藝之學西庠首有表
性言且有解所以表此學之內美好次有表德言
所以表此學之外美好今悉譯其原文本義兩列
於左

力藝原名

表性言

力藝重學也

力是氣力力量如人力馬力水力風力之類又用力加力之謂如用人力用馬力用水風之力之類藝則用力之巧法巧器所以善用其力輕省其力之總名也重學者學乃公稱重則私號蓋文學理學算學之類俱以學稱故曰公而此力藝之學其取義本專屬重故獨私號之曰重學云

原解表性言

蓋此重學其總司維一曰運重

凡學各有所司如醫學所司者治人病疾算學
所司者計數多寡而此力藝之學其所司不論
土水木石等物則總在運重而已

其分所有二一本所在內曰明悟一借所在外曰
圖籍

人之神有三司一明悟二記含三愛欲凡學者
所取外物外事皆從明悟而入藏於記含之內

異日明悟愛之而欲用之直從記含中取之足矣此學之本所在內者也至古人已成之器之法載在圖籍則又吾學之借所也故曰在外其造詣有三一由師傳一由式樣一由看多想多做多

凡學皆須由此三者而成而此力藝之學賴此三者更亟不得師傳不會做不有式樣亦不能憑空自做兩者皆有矣而眼看不熟心想不細手做不勤終亦不能精此學蓋大匠能與人規

矩不能使人巧巧必從習熟而後得也故曰習
慣如自然三者並重而第三尤爲切近何也師
傳易明但師不克常在則難式樣最便然亦有
有式樣而不能便惺然者故自己看多想多做
多尤切近也

其作用有四一爲物理二爲權度三爲運動四爲
致物

理如木之有根本也木有根本則千枝萬實皆
從此生故人能窮物之理則自能明物之性一

理通而衆理可通一法得而萬法悉得矣窮理
原爲學者之急務而於此力藝之學尤爲當務
之首理旣窮矣假如兩理不知誰重誰輕則必
權之度之理因相比而可較然其自分也故權
度次之夫理窮而權度亦旣審矣夫然後遇物
之重者舉人力所不能運所不能動者以此力
藝學之法之器而運動之無難也故運動又次
之顧運動何爲總欲致其物耳假如人生有飢
有寒則忍致飲食致衣服諸物避風避雨則思

致城郭致宮室諸物防物害防敵攻則又思致
干戈致火器諸物凡此諸物非此力藝之學莫
能致之故以致物終之者正以明此學大用之
終竟耳四用似有先後而實皆相聯假如欲致
物不得運動法則不能致欲運動不得權度則
運動無法而權度不根諸窮理則將孰權孰度
焉故四者相須總爲此學之大用

其所傳授因起則有五一始祖遞傳二窘迫生心
三觸物起見四偶悟而得五思極而通

相授之原從人之始祖亞當受之造物主以後
遞相傳於子孫然特傳其耕作器耳至後將近
四千年有一大人名亞希默得新造龍尾車小
螺絲轉等器又能記萬器之所以然今時巧人
之最能明萬器所以然之理者一名未多一名
西門又有繪圖刻傳者一名耕田一名刺墨里
此皆力藝學中傳授之人也其云窘迫生心者
如因饑寒所迫則思作飲食作衣服因風雨所
迫則思作城郭作宮室因物害敵攻所迫則思

作干戈作火器之類是也觸物起見者如觸於
魚之搖尾水中則因之作柁觸於魚之以翅左
右則因之作櫓觸於松鼠之伏板豎尾渡水則
因之作帆之類是也偶悟而得者如一國王以
純金命一匠作器匠潛以銀雜之王欲廉其弊
弗得也亞希默得因浴而偶悟焉謂金與銀分
兩等而體段大小不等金重而小銀重而大以
器入水驗其所留之水誰多誰寡則金與銀辨
矣遂明其弊而匠自服罪之類是也思極而通

者人能常思常慮則心機自然細密明悟自然
開發所謂思之思之又重思之思之不得鬼神
將通之者是也此數者雖不由傳授然有因而
起故統系傳授之下而另列之爲因起云

論其料曰理曰法縱千百其無盡

料者力藝學中之材料也如一重物難起或用
人力或用馬力或用關板或用輪盤一法不足
百法助之其機種種不同其材料不越理法兩
端隨人明悟相度取用可千變萬化而不窮也

核其模有體有制實次第而相承

模卽體制蓋有材料而不有體制作模則必不能成一器然體制雖或千百不同而其實則各各次第相承而不紊譬如自鳴鐘大輪小輪其中名目甚多必一一次第相聯而後可以自鳴也一紊其序則不成其用矣

所正資而常不相離者度數之學

造物主生物有數有度有重物物皆然數卽算學度乃測量學重則此力藝之重學也重有重

言學圖說卷一
之性理以此重較彼重之多寡則資算學以此
重之形體較彼重之形體大小則資測量學故
數學度學正重學之所必須蓋三學均從性理
而生如兄弟內親不可相離者也

所借資而間可相輔者視學及律呂之學

夫重學本用在手足而視學則目司之律呂學
則耳司之似若不甚關切者然離視學則方圓
平直不可作離律呂學則輕重疾徐甘苦高下
之節不易協況夫生風生吹自鳴等器皆借之

律呂故兩學於重學雖非內親乎而實益友可
相輔而不可少也

此其取精也既厚則其奏效也必宏故能力甚大
其所裨益於人世者良多也命曰重學學者其可
忽諸

夫此重學既從度數諸學而來其學可謂博而
約矣原非一蹴而成功自可隨奏而輒效只就
起重一節言之假如有重於此數百千人方能
起或猶不能起而精此學者止用二三人卽能

起之此其能力何如也既省多力又節大費且平實而不致險危其裨益於人世也又何如故名以重學雖專爲運重而立名亦以見此學關繫至重有志於經世務者不宜輕視之耳

或問表性言一句耳而解奚爲如此之多曰此學最奇亦最深不詳解不能遽曉此中之妙之法之性理故解已詳而余復爲詳註之者總期人人之易曉也

力 藝 內 性 圖

先

本

後

所 明悟 圖籍

傳 窘迫 觸物 偶悟 思極

造 師式 想習

料 日理 日法

資 度學 數學 視學 律呂

模 有體 有制

司 一總 日重

用 窮理 權度 運動 致物

效 容易 節省

力藝

表德言

前所表者重學之內性耳茲復表其外德

是重學也最確當而無差

天下之學或有全美或有半美不差者固多差之者亦不少也惟算數測量毫無差謬而此力藝之學根於度數之學悉從測量算數而作種種皆有理有法故最確當而毫無差謬者惟此學爲然非如他學此或以爲可彼或以爲否此

或見以爲是彼復駁以爲非者比蓋人同具明
悟知其所以然目不得不是之非強也間有差
亦非此學之差則器之材質或有差不則人之
所作如法與不如法耳

至易簡而可作

蓋器之公者止有一器之所以然亦止有一且
至爲明白不依賴於多體況其體相聯不多如
通一體則他體可以相推但一留心自可通曉
不似他學費盡心力而猶或不易曉也其理易

明其法有迹而易見其器又悉有成式而可擬
故此學至易至簡而人人可作

然奇古可怪聞者似多驚詫非常

人多勝多或人多而勝寡不怪也人寡能勝人
多則可怪如以大力運大重奚足怪今用小小
機器輒能舉大重使之升高使之行遠有不驚
詫爲非常者鮮矣然能通此學知機器之所以
然則怪亦平常事也試觀千鈞之弩惟用一寸
之機萬斛之舟祇憑一尋之柁豈不可怪而世

因常常用之則亦視爲日用家常物耳

而精妙難言見之自當喜慰無量

饑得餐渴得漿則自生喜慰而此精妙之器乃

吾人明悟之美味也同具明悟者寧能不喜況

有大重於此用大力多力不能起者一旦用小

力而大重自起見之有不喜慰者乎故器之精

妙筆舌難盡形容但人一見器之精妙未有不

歡欣慰悅者也昔亞希默得欲辯金與銀雜之

故不得偶因沐浴而悟得其故則歡慰之極至

於忘其衣著赤身報王是一證也

堪爲工作之督府

凡工匠皆有二等一在上一在下下者奉上之
命躬作諸務有同僕役上者指示方略而不親
操斧鑿者也自有此學總百工之在上者亦皆
在下而此學獨在其上蓋百工之在上者非此
宗工無所取法無所稟承其尊貴有五一能授
諸器於百工二能顯諸器之用三能明示諸器
之所以然四能於從來無器者自創新器五能

以成法輔助工作之所不及故曰督府云

可開利益之美源

民生日用飲食衣服宮室種種利益爲人世急需之物無一不爲諸器所致如耕田求食必用代耕等器如水乾田乾水田必用恒升龍尾轆轤等器如榨酒榨油必用螺絲轉等器如織裁衣服必用機車剪刀等器如欲從遠方運取衣食諸貨物必用舟車等器如欲作宮至所需金石土木諸物必用起重引重等器人世急需之

物何者不從此力藝之學而得故卽稱爲衆美之源可也不寧惟是卽救大災捍大患如防水害則運大石以築堤防火災則用吹筒以灑水遇猛獸則用弓弩刀鎗遇大敵則用拂郎大銃就中以寡勝衆之妙不能盡述則夫通此學者寧非濬開萬用之美源也哉推而廣之如鑿磧砂采取金鐵資貿易兵甲之費製風琴自奏音響佐清廟明堂之盛自鳴鐘自報時刻濟日晷晴陰之窮諸般奇器不但裕民間日用之常經

抑可裨國家政治之大務其利益無窮學者當
自識取之耳

公用則萬國攸同

夫文物之邦無器不用固矣乃窮荒絕徼如緣
頭國人在北極出地七十多度之下無城郭州
縣可謂至僻之地至野之國矣亦知用皮船取
水族用弓矢取鳥獸然則器用之公普大地無
不同然何其廣耶

創垂則千古不異

造物主造有天地以後至洪水時人民衆多有一國王是女主名塞密刺密造一大府名巴必暖其城周六萬步高二十丈廣厚五丈周造城樓二百五十座用役一百三十萬人一年造完彼時無器不有無器不用傳至於今新新不已豈不千古如常也哉

制器之初本於人祖

造物主造有天地卽造有人之始祖名亞當者與其妻名厄襪者置之地堂良和之處其初人

無病疾亦無老死五穀果木等類皆大地自然
生成不勞人力其中一切鳥獸聽命於人無有
毒害自亞當與厄穢不遵主命犯誡得罪以後
遂爾五穀難生鳥獸毒害有饑有寒有病有死
男子則罰其耕田勞苦女子則罰其生育艱辛
於是亞當始作耕田等器自求衣食故器用皆
從始祖創制蓋亦繼天而立極半從人力半從
天巧而得之者也

立法之妙合乎天然

天下之物皆天然自生自成而此器之法乃因物理而生而成所謂有物必有則者此也然法雖由於造作而比於生成之物則或有相似有相帮有相勝有相笑者非一端也譬如天體晝夜自行運旋而器之自轉磨自行車自鳴鐘等類輒能一一與天相似人之耳目手足自視自聽自行自持而器之製成人像者輒又手能自持自起足能自行自止目能自閉自張一一與人相似不謂巧擬化工矣乎間有物力人力不

能及者或以螺絲龍尾轆轤輪盤或用風用水
用空皆可使之助其不及是爲相帮所云參贊
輔相殆亦此義歟至於以小力起大重運大重
轉大重雖至重之物悉足勝之無難是天地間
無有勝過此器者矣且重之性原在下而此器
不持勝之更能使重者自上而不覺如龍尾取
水水止知其已下也而不知其已上也豈不可
笑也哉有此數端故云立法之妙合乎天然詎
曰小道之可觀實爲大學之急務然此特撮其

梗概下文方細爲敷陳

力 藝 外 德 圖

一 最確當

二 至易簡

三 似可怪

四 實可喜

五 工之督

六 美之源

七 徧萬方

八 傳千古

九 始人祖

十 合天然

力藝

四解

前內性外德特總括此學之大略耳其詳解更有四端列爲四卷如左

第一卷重解

此學總爲運重而設儻無重何必運且將何運故重之解列爲一卷

第二卷器解

重不得起須用器而起器不一而足也器之中

又求最巧之器故器之解列爲一卷

第三卷力解

巧器用以起重引重轉重固矣然器必借力而運或人力馬力或風力水力或卽借重物之力故力之解列爲一卷

第四卷動解


有重於此或欲升之高或欲致之遠或欲令其轉旋往來而不已此皆運動法也或薦或揭或推或曳或手轉足躡種種不同故動之解

列爲一卷

遠西奇器圖說重解卷第一

款凡六十一



第一款



最重無過於地地在天之下必在中心

試觀上圖甲乙丙丁爲星天戊爲大地丁丙爲地平人常見者自丁至甲至丙爲半天故知地在天之下中心也儻使地或在巳則其徑特爲少半而星在丁丙上者不得見矣

第二款



次重無過於海海附於地合爲一球

試觀上圖甲爲日輪乙爲地海丙爲

月丁爲日影日在地下月在天上日

過地則有影影遇月則爲月食惟地

與海合爲圓球其影亦圓故月食漸


漸如半規也觀第二圖自見儻地形

是方則其影亦方月食當截然如直

線之形不作半規形矣詳具天文書


中

第三款




重之廣大無過地球其面與其心相距一萬餘里

每圓界三百六十度所以地球圓界亦有三百六十度每度有二百五十里所以相乘得九萬里因圓界甲丙丁戊有九萬里所以甲至丙徑用二十二與七比例得二萬八千六百三十三里自甲至乙半之得一萬四千三百十六里餘故云地球之面與其



心相距一萬餘里也何以知一度有
 二百五十里耶假如杭州北極出地
 三十度十三分上海北極出地三十
 一度十三分是相距爲一度矣上海
 雖在東北但與蘇州太湖東西相對
 所以南北同度計曲路三百餘里正
 路則止有二百五十里耳第二圖自
 明

第四款



重何物每體直下必欲到地心者是
試觀上圖圓爲地球甲爲地球中心
乙丙戊皆重物各體各欲直下至地
心方止蓋重性就下而地心乃其本
所故耳譬如磁石吸鐵鐵性就石不
論石之在上在下在左在右而鐵必
就之者其性然也重物有二一本性
就下一體有斤兩

第五款

物之本重

金

銀

鐵

本重者如金重於銀銀重於鐵之類
是也蓋金與銀體段一樣而金重銀
輕是金之質原本重於銀也非以一
兩金與十兩銀相較之重故曰本重
云

第六款

點



線



重之體必定自有點線面形

內有容外有限曰形其中點爲形心有直線過心兩邊不出限者爲徑線形有二一面形一體形假如上圖點線之外甲平圓乙長形丙三角丁方形等俱是面形體形有三度或長或闊或厚如上戊己等體是也



第七款

重之心重繫於心則不動

假如有重於此以線繫之果在其心

如甲則不偏不動儻不在心如乙則

必偏且垂下矣



第八款

每重各有其心

假如有重於此兩邊重相等則重心

必在其中無疑也每重但有一重心



第六款

重之體必定自有點線面形

點




線



內有容外有限曰形其中點爲形心有直線過心兩邊不出限者爲徑線形有二一面形一體形假如上圖點線之外甲平圓乙長形丙三角丁方形等俱是面形體形有三度或長或闊或厚如上戊己等體是也

第七款

重之心重繫於心則不動



假如有重於此以線繫之果在其心
如甲則不偏不動儻不在心如乙則



必偏且垂下矣



第八款

每重各有其心



假如有重於此兩邊重相等則重心
必在其中無疑也每重但有一重心

第十一款




有重體不論正斜皆有徑線從徑線
分破其側面卽爲重之徑面

假如上圓圖徑線甲乙從徑線開之
卽作兩半球半球平面卽重之徑面
也又如上方圖丙丁戊爲外周徑線
分之則兩半方形其分開之內兩平
面卽重之徑面也如從己庚徑線開
之則兩側面卽重之徑面也因徑面
常過重心所以兩分相等

第十二款

有三角形從角至對線於中作一直線直線內有重之心




假如從甲角至乙丙對線作一直線於丁分兩平分必定甲丁之內有重心也乙至戊亦然

第十三款



有三角形其重心與形心同所假如上三角形甲爲形心亦爲重心

第十四款




求三角形重心

法曰有三角形各分兩分起線各至
角爲一直線相遇十字交處便是重
心假如上甲與乙中分有丙丙至丁
爲一直線次丁與乙中分有戊戊至
甲爲一直線兩直線相遇十字於心
卽得所求


第十五款

有三角形每直線從角過重心到對
線其分不等爲二倍比例

假如上圖甲乙從角過心到戊丙對
線爲兩分甲己線大於己乙線二倍
其丙己線亦二倍大於己丁線



第十六款



第十七款



有法四邊形其重心分兩平分爲徑

假如上圖四邊有法長方形其重心

是甲其徑乙丙爲一線丁戊己庚各

一線各線每徑長短不同俱兩平分

有法多邊形其重心形心同所

假如上六角形其角等其邊亦等是

名有法多邊其重心與形心總是一


心

第十八款


平圓與雞子圓形其重心形心亦同

所

圓界與多邊形相似故其心皆同其
雞子形與平圓形亦相似故其心亦
同



第十九款



求直線平形之重心

假如上無法四邊形先分作兩三角形從對角打兩垂線到分線上甲與乙分既成兩三角形用前十四款求三角形重心法即得丙丁兩心丙與丁作直線次用比例法戊己大垂線與庚壬小垂線比例等於丙辛與辛丁比例辛乃所求之重心也


第二十款

每多稜有法柱其重心在內徑中

假如上立方六稜柱其重心在方徑

內心甲至丙爲內徑就是其軸乙之

內心乃其重心也




第二十一款

每多稜有法體其重心形心俱同所



假如上八稜有法柱甲乙丙是其內

軸乙卽其重心形心是也



第二十二款

有體求其重心



假如上無法之面欲求重心先於上

作平線繫甲次於乙垂一直線緊靠

一邊又次於丙亦作一垂線緊靠一

邊卽從甲上往下以墨直點作線乙

至丁丙至戊兩線是徑之面復轉繫

體再如乙丁丙戊作兩線如前就得


第二徑之面卽向上端下端看兩線

十字交處卽得重之徑也又將繫體

橫轉從己處繫於甲上求徑線至庚

亦向十字交處看之則得辛是重心也

第二十三款



每重不在其所則必下俯地心作正垂線

天下之物各有本所物之性亦各喜得本所每物不在其所則必與性相反且別物得以攻之故各就本所乃各物之所喜向也假如火本炎上使之入水則非本所便就滅息重之性水土其本所也且物性直捷重之垂下不作迂曲況天下之物性最巧直線之途必短迂曲之線其途甚長物喜短捷之便故不肯拂性而迂曲也


第二十四款

每體重之更重必在重之心

假如重物長短厚薄方圓爲體不一而每體必有更重者爲重之心譬人身之內有心一家之內有長爲一體中之主故也

第二十五款

重下墜其心常在垂線



如上圖三角形心墜下必在直線不然必左傾右倒不能直下矣所以重物在空更重者雖在上亦必先轉向下

第二十六款

有重繫空或高或低其重常等



如上圖或在甲在乙在丙其重之斤兩常等

第二十七款

每垂線相距似常相等

每重垂線引長必到地心所以每垂

線之未必與地心相合前第三款之

圖已明此垂線非平行線也但如後


旁圖長短四樣三角形最近則兩直

線之尖相合亦最大最遠則兩直線

之尖相合最小而直線初分祇覺其

平行不見其末之相合故以爲相距

似也





以上止明一重之理今又以兩重相比言之

第二十八款

每重徑面分兩平分

兩平分者既從重心之徑而分自然兩重相等爲兩平分也



第二十九款

有兩體其重等其容亦等爲同類之

重

假如上兩圓球其體俱是鉛其大等其重自等所以名爲同類之重

第三十款

同類之重有重容之比例等



假如上大方圖八倍於小方圖其重爲十六斤則小方圖之容自八倍小於大方圖之容其重當爲二斤也

第三十一款

有兩重其容等其重不等爲異類之

重

假如上有兩體形相等但一是金一

是銀其重自不相等何也金之體殆

將二倍於銀所以名爲異類之重或

問金何以重於銀將近二倍也曰金

之體最密而稠試觀作金箔者一兩

金可作數萬張銀則不及故耳

金

銀

第三十二款

重之類有二曰乾曰溼

乾如金石土木之類不流者是溼如
水油酒漿或銀水之類但能流者是

第三十三款


每乾重繫於直線而想直線有兩德

一無重一不破

想者未有直線而先有無形直線之
想也故無重故不破



第三十四款



有重插於直線或在上或在下但在
垂線中者不動不則必動而轉下
假如上圖甲爲直線不動之一端重
在乙是正在垂線之上而居中者也
不動重在丙是正在垂線之下而居
中者也不動或丁或戊則必動而轉
下作圓觚線

第三十五款

水搏不得

假如有銅球於此水已滿其中矣欲再強加別水必不得雖銅球分裂亦必不能再加何也水體最密最稠再搏不去故也


第三十六款

水面平

水隨地流地爲大圓水附於地其面亦圓


前第二款已言之矣而茲復云水面平者何蓋大圓不見其圓祇見其長故亦祇見其平面耳

假如地平之上有低凹處四周水來必滿凹處與地相平而後流焉故水隨地而圓亦隨地而平也



第三十七款

有水在器被迫則必旁去



其所以然已見三十五款水搏不得
之下此又明其所不容兩體故他
體一入此體被迫而必旁溢去也

第三十八款

天下水皆同類

江河溪海水性無不同者但水之鹹
者則其體微爲重耳

第三十九款



有水之重求其大

假如壺中有水十三斤不知其大爲
幾斗或幾升或幾合也

法曰一尺立方容水六十五斤今用


三率法

一	六十五斤	一尺壺中容水
二	十寸	就如一尺之容
三	十三斤	壺中有水
四	二寸	原壺之大

第四十款


有定體其本重與水重等則其在水
不浮不沉上端與水面準

如上圖乙爲水庫之容甲爲定體之
重定體與水重既等則定體上端必
平與水面相準也




第四十一款

有定體其本重輕于水則其在水不
全沉一在水面之上 一在水面之下
如上圖乙爲水庫之容甲爲定體之
重定體既輕于水則半沉半浮蓋因
水更重所以驅定體而少上焉耳



第四十二款




有定體其本重重于水則其在水必
沉至底而後止

如上圖自明或有乾板薄而寬大或
是金或是鉛但平平徐置水面則亦
不沉何也薄而寬大則板上之氣與
板體相合氣與水面相逼故雖金鉛
本重而不致沉也但有小隙上水則
必沉矣


第四十三款

有定體本輕于水其全體之重與本體在水之內者所容水同重

假如上水內立方是木甲浮水外乙沉水內甲乙全重只以沉水多半體爲則多半體所占是水重卽是本體重



第四十四款



有定體在水卽其沉入之大求其全體之重

假如甲乙是全體在水內外但知乙在水內之容爲一萬尺求其全體甲乙之重用三率法一尺容當六十五斤則知全體該六十五萬斤重也

第四十五款

兩水或重或輕有兩體同類相等其
重水與輕水之比例卽兩體沉多沉
少相反之比例

假如一是海水一是河水海水自重
于河水但看上兩體俱同而甲沉入
之多與乙沉入之少則輕重之比例
見矣如甲入水視乙之入水爲二倍
則海水必重于河水二倍也



第四十六款

凝體在水輕於在空視所占之水多


少卽其所減之輕多少

假如上空中立方銅體重十六兩卽

以同大有水立方形較之水可二兩

則在水立方銅體十六減二輕於在


空之體爲十四兩重也



第四十七款

兩體同類同重但不同形在水其重恒等

假如上圓球與立方其體皆銅其重皆五兩則其沉水之重常相等也




第四十八款

有兩體其大等但一是凝體一是流

體已有凝重求流重

假如有鉛球二十三斤水球等於鉛球該重若干



法曰將鉛球以馬尾線繫於天平一

端沉之水中於天平一端加權度至

平準而止則鉛球止得二十一斤以

二十三斤在空之重減在水之重二

十一留二斤卽爲水

球之重也其證見前四十六款

第四十九款



有凝體流體相等已有流重求凝重
假如流體是水爲一百斤求鉛體相
等之重

法曰將鉛體其重二十三斤用水與
鉛體同等其重得二斤就用比例法
二與二十三比例卽爲一百與一千
一百五十斤比例則得鉛體之重一
千一百五十斤

第五十款

有疑流兩體之重相等已有疑容求

流容

假如有鉛球大十寸水球重與鉛球

等求其大若干

法曰將鉛體二十三斤與水體大等

得水重二斤就用比例法二與二十

三就是十與一百十五比例得流容

一百十五寸也



第五十一款

有凝流兩體之重相等已有流容求

凝容

假如水容爲一百十五寸鉛重與水容同大求鉛容若干

法曰將鉛體二十三斤得水二斤就用比例法二十三與二爲一百十五寸與十寸比例得鉛容十寸也



二斤
水容

第五十二款

有兩凝體相等已有彼重求此重

假如鉛球其重一千一百五十斤求

錫球同等之重若干

法曰將鉛錫兩體同重者相較又將


兩水體一箇等於鉛一箇等於錫一

球水重七十四斤一球水重一百十

五斤用比例法一百十五與七十四


爲一千一百五十與七百四十斤比

例就得錫體之重七百四十斤也



錫

該七百
四十斤



鉛

一千百
五十斤

第五十三款

鉛

七百四十寸

錫

該千二百五十寸

兩凝體重相等已有彼容求此容

假如鉛體容爲七百四十寸錫體等

重求容若干

法曰將鉛體重一百十五斤以錫體


相等重得七十四斤用比例法七十

四與一百十五比例爲七百四十與


一千一百五十比例則得錫容一千

一百五十寸也

第五十四款



五百五十斤




該六百斤

兩流體相等已有彼重求此重


假如油體重五百五十斤水體與油體相等求重若干

法曰取鉛體與水體等大者得水之重或是十二斤亦取鉛體與油體等大者得其重爲十一斤就用比例法十一與十二則爲五百五十與六百則得水重爲六百斤也

第五十五款



五
百
五
十
寸



容
六
百
寸

兩流體相等已有彼容求此容

假如油容爲六百寸水之體與油體

同大求其容若干

法曰將鉛體與水體相等得水重十

二斤將鉛體與油容等得其重爲十

一斤用比例法十二與十一爲六百


與五百五十比例則得水容爲五百

五十寸也


第五十六款

球分本輕浮於水其底在上球之軸必在垂線中

假如有木球如上其平底在水中必在上必不偏倚其軸甲丙必在垂線之中如甲兩之在乙丁也儻強斜之彼必自反正矣




第五十七款



水力壓物其重止是水柱餘在旁多
水皆非壓重

求水壓物重處止於所壓物底之平
面求周圍垂線於水上面如水中之
柱柱乃壓物之重如上水中柱圖下
面口底甚小從底口垂線直至上面
中間水柱爲壓重餘水皆無干也

第五十八款



水來平衡於閘求其衝勢之重若何
 如上求水柱法止以所衝閘面高低
 作甲乙垂線垂線平行至丙相等卽
 從垂線上面之甲斜行至丙則是水
 衝半柱之重其餘多水俱無干也

第五十九款

有兩體容之比例本重之比例已有

此重求彼重

假如甲乙兩容其比例甲三倍於乙

本重甲爲銀乙爲金其比例爲一與

二已得甲重六斤求乙重若干

法曰以銀三分之一等與乙銀三分

全爲六斤三分之一爲二斤用比例

法一與二比例就是二斤與四斤比

例則得乙爲四斤重也

重四斤二分

金乙
八
四分

重六斤

銀

四十二

第六十款

有兩體已有本重之比例已有其重
已有此容求彼容

一 三 爲比率之大數
二 一 爲比率之小數
之大爲若干

三 四 爲甲之所容之數
四 八 爲乙之所求之容
法曰先要甲乙所容之比率而後方
可得乙之所容其六斤與四斤比率

乘於甲乙本重之比率此比率乃是
一與二也則用又字架法乘之卻不

用正乘法也六與二乘得十二其四
與一乘得四所以新來之比率十二
與四卽是約而爲三倍之比率也所
以甲三倍於乙今用三率法

第六十一款

有兩體已有其重已有其大之比率
求本重之比率

假如甲乙兩重爲六與四其大比率
爲三倍要求銀與金之比率

法曰以兩所有之數用又字架相乘
則兩者之比率爲本重之比率六一
相乘得六其四三相乘爲十二所以
有六與十二之比率約之則爲二分
之一也故銀體之輕與金體相比則

自然差一半矣

